

Navi unn Smartfon

Wenn merr Audo fährt waaß merr im Allgemeine, wo merr hie will unn wie merr widder zurigg kimmt. Wenns Ziel e bissi weider eweck iss, hott merr frieher schunn dehoom uffem Kischedisch e Londkart ausenonner gemachd unn hott sich oogeguggd, wie merr fahrn muss, iwver Autobohne unn Londstroße, um omm End dess gesuchde Dorf odder die fremd Stadt ze erreiche. Doodebei isses joo nitt immer wischdisch gewese, gons schnell dorthie ze kumme, weil meistens fährt merr joo moins su frieh fort, dass merr noch bei Daach, also noch im Helle ookimmd.

Wenn die Fraa unn isch unnerweeschs warn, ob in Deitschlond odder sunnstwo in de Welt, hott die Fraa die jeweilisch Londkart uffem Schoß gehabbd unn mir gesaad, wo ich uffbasse muss, um onn de nächst Kreuzung weider gradaus ze fahrn odder nooch links odder rechts abzebiesche. Mir sinn aach nitt immer die körrzt Streck gefahrn, meistens iss e Newestreck londschaftlich schenner gewese. Aach um bei wenischer Audoverkehr dort e mol oohalle ze kenne, um uff enn wilde Fluss odder uff oon mett Eis unn Schnee bedeckte Berrsch ze gugge.

Heitzedaach hott merr im Audo enn Navi unn der kennt jed Streck uff de Welt. Der werdd oigeschalt unn merr kann nitt onners als beim Fahrn dem soi Gebabbel oozeheern unn uff soi farwische Bilder ze gugge. Isch habb geheerd dasses Leit gewwe dut, die, wonn se wie jed Woch dunnersdaachs odder freidaachs vunn Weilbach, Hochem odder vunn de Bleichstrooß in die Kolonnade fahrn, ihrn Navi oischalde.

Wennde frächst warum, kriehsde ze Antwort, dass die modern Technik halt genutzt werrn soll. Unn heerst villeischd noch: Ohne de Navi deet isch den Weesch aach sellwer finne, awwer wenn dess Ding babbeld, bin isch halt nitt su alloo im Audo.

Wenn isch donn saache due, ess iss doch wischdisch, dass merr dess Gefiehl ferr die Oriendingung nitt verliert, donn heer isch noch: Mir sinn koo Neandertaler mieh, ferr die su e Gefiehl wischdisch gewese iss um ze wisse, wenn se e Mammut mett ihrne Speern doot gemachd hadde, wie se in Eis unn Schnee unn ohne e Strooß uffem Gletscher zurigg in ihr Wohnhöhl kumme kenne, wo ihr Fraue uffs Fleisch gewart unn schunn Torf uffs Feier geschmisse hadde.

Mir sinn koo Neandertaler mieh, also dut merr aach uffem Smartfon de Weesch zwische de Keramag unn de Stadthall oigewwe. Villeischd dessdeweese sieht merr effderr Fraue odder Männer omm Steier sitze, die beim Fahrn mieh uff ihr Handy als uff die Strooß gugge. No ja, ab unn zu dut merr in de Zeidung lese, dasses uff die Art unn Weis enn Unfall gewwe hott.

Wie isch schunn gesaad habb: Was bei der gons Sach wenischer werdd iss dess Gefiehl ferr Oriendingung unn merr muss sisch nitt wunnern, dass dess mett de Zeit gons unn gar verlorn gieht. Awwer wenn enn Vadder su e Gefiehl nimmi hott, was soll der donn soine Kinner noch driwwer verzähle? Wo die joo mittlerweile dess Smartfon aach donn numme, wenn de Vadder frächt, was dess grad ferrn Voochel iss, derr doo owwe in de Dachkennel nooch Futter suche dut. Doo saache die Kinner nor: Gugg hier uffs Smartfon, Vadder, dess iss enn Sperling unn su dut der Stimme mache. Donn bleibt dem Vadder nix onnersderrs iwwerisch, als soi Aache ze verdreh unn dem Spatz hinnerher ze gugge.